

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-390-7/23

Datum: 21.02.2024. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku **klasterske akreditacije studijskih programa prvog i drugog ciklusa studija Fakulteta za tjelesni odgoj i sport Univerziteta u Tuzli**, a na osnovu mišljenja Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o klsterskoj akreditaciji studijskih programa prvog i drugog ciklusa studija Fakulteta za tjelesni odgoj i sport Univerziteta u Tuzli (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i obezbjeđivanje kvaliteta (u daljem tekstu: Agencija) daje:

PREPORUKU

o akreditaciji studijskih programa prvog i drugog ciklusa studija Fakulteta za tjelesni odgoj i sport Univerziteta u Tuzli, i to **sljedećih studijskih programa:**

- 1) Tjelesni odgoj i sport, I ciklus studija**
- 2) Tjelesni odgoj i sport, II ciklus studija**
- 3) Sportski trener, I ciklus studija**

O b r a z l o ž e n j e

Ministarstvo obrazovanja i nauke Tuzlanskog kantona (u daljem tekstu: Ministarstvo) dostavilo je 04.09.2023. godine Prijedlog članova Komisije domaćih i međunarodnih stručnjaka za ocjenjivanje i reviziju kvaliteta i davanje preporuka za klstersku akreditaciju studijskih programa prvog i drugog ciklusa studija na Fakultetu za tjelesni odgoj i sport Univerziteta u Tuzli, broj: 10/1-34-027456-1/22 od 30.08.2023.godine, sa sljedećim priložima: Zahtjev za klstersku akreditaciju studijskih programa prvog i drugog ciklusa studija Fakulteta za tjelesni odgoj i sport Univerziteta u Tuzli, broj: 01-4249-1/23 od 22.08.2023. godine; Odluku Senata o usvajanju samoevalucijskog izvještaja; Samoevaluacijski izvještaj sa priložima (po jedna štampana verzija i elektronska verzija na USB stiku, na jednom od službenih jezika u BiH i na engleskom jeziku) i Ovlaštenje osobe za komunikaciju sa Ministarstvom, Agencijom i Komisijom stručnjaka. Navedenim prijedlogom je predloženo da Agencija imenuje Komisiju stručnjaka koja će obaviti posjetu visokoškolskoj ustanovi i izvršiti evaluaciju studijskih

www.hea.gov.ba, e-mail:info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

programa, te dati preporuku o ishodu akreditacije sljedećih studijskih programa: Tjelesni odgoj i sport, I ciklus studija, Tjelesni odgoj i sport, II ciklus studija i Sportski trener, I ciklus studija.

Nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) (u daljem tekstu: Odluka o normama), u skladu sa članom 49. alineja 4) Okvirnog zakona, Agencija je imenovala Komisiju stručnjaka Rješenjem broj: 05-33-1-390-4/23 od 24.10.2023. godine.

Dana 09.02.2024.godine u Agenciji su putem elektronske pošte zaprimljeni izvještaji Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji studijskih programa (u daljem tekstu: Izvještaji) i protokolisani pod brojem: 05-33-1-390-5/23, u kojim Komisija stručnjaka na osnovu ukupne ocjene kvaliteta, **daje mišljenje o ishodu klsterske akreditacije studijskih programa prvog i drugog ciklusa studija na Fakultetu za tjelesni odgoj i sport Univerziteta u Tuzli.**

Uvidom u dostavljene izvještaje, utvrđeno je sljedeće:

- formalna cjelovitost izvještaja,
- da su izvještaji napisan na jednom od službenih jezika u Bosni i Hercegovini i na engleskom jeziku, te
- da su u skladu sa Odlukom o normama i Odlukom o kriterijima za akreditaciju studijskih programa prvog i drugog ciklusa studija u BiH.

U skladu s Odlukom o normama, Komisija stručnjaka je u pomenutim izvještajima ocjenila ispunjenost svih deset kriterija kao potpuno ili znatno ispunjeni, kako je to propisano Odlukom o normama, za studijske programe kako slijedi:

- 1) Tjelesni odgoj i sport, I ciklus studija**
- 2) Tjelesni odgoj i sport, II ciklus studija**
- 3) Sportski trener, I ciklus studija**

Komisija za davanje preporuka je nakon individualnog analiziranja dostavljenih izvještaja, a u skladu sa zadacima Komisije za davanje preporuka propisanih Instrukcijom o načinu davanja preporuke o akreditaciji visokoškolskih ustanova i studijskih programa i naknadnom izmjenom pomenute Instrukcije (u daljem tekstu: Instrukcija), razmijenila stavove i zapažanja, te zaključkom predložila direktoru Agencije da postupi u skladu sa članom 5. stav (1) Instrukcije, a prema mišljenju Komisije stručnjaka o ishodu akreditacije navedenih studijskih programa Univerziteta u Tuzli.

Visokoškolska ustanova bi trebala po prijemu rešenja o akreditaciji svakog studijskog programa detaljno analizirati preporuke Komisije stručnjaka i napraviti Akcioni plan u skladu sa Odlukom o normama i propisima nadležne obrazovne vlasti.

Akcioni plan treba da obuhvata:


- imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima,
- vremenski okvir za realizaciju preporuka kao i potrebne finansijske i ljudske resurse,
- definisane mjerljive indikatore za praćenje realizacije Akcionog plana.

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenja o akreditaciji za **navedene studijske programe** te ista dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH, a sve u svrhu upisa navedenih studijskih programa u Državni registar akreditovanih visokoškolskih ustanova u Bosni i Hercegovini.

Direktor


Prof. dr. Enes Hašić

Dostaviti:

- *Ministarstvo obrazovanja i nauke Tuzlanskog kantona*
- *Univerzitet u Tuzli*
-  *Sektor 05*
- *a/a*

